

S.2651-7
891

傷寒 勞復 百合 狐惑 發黃

千金方衍義 指三



孫真人千金方衍義卷十

長洲張璐路玉著

南沙席世臣郢客校

傷寒方下 凡七類

傷寒雜治第十 論一首 灸法一首 方五十一首

論曰凡除熱解毒無過苦酢等物故多用苦參青葙

艾梔子葶藶苦酒烏梅之屬是其要也夫熱盛非苦

酢物不解也熱在身中既不時治治之又不苦酢

等藥此如救火不以水也必不可得脫免也又曰今

諸療多用辛甘薑桂人參之屬此皆貴價難得常有



比行求之轉以失時而苦參葶青葚艾之屬所從
盡有除熱解毒最良勝於向之貴價藥也前後數參
並用之得病內熱者不必按藥次也便以青葚苦參
艾苦酒療之但稍與促其間無不解也

扁鵲曰病在腠理湯熨之所及病在血脉鍼石之所
及病在骨髓無可柰何而凡醫治病或言且待使病
成乃頓去之此爲妄矣當預約束家中及所部曲具
語解此意使有病者知之爲要

治溫氣病欲死方

苦參一兩以酒二升煮取一升盡飲之當吐則

除諸毒病服之覆取汗皆愈張文仲及肘後云治熱毒氣死破棺

千金湯

苦參湯 治熱病五六月已上方

苦參 三兩

黃芩 二兩

生地黃 八兩

右三味咬咀以水八升煎取二升適寒溫服一升

日再

衍義

傷寒溫病截然兩途凡醫但見壯熱頭疼槩行發

散信手殺人曷知溫病是久伏少陰之邪得春時

溫暖之氣蘊化濕熱從內發外故用苦參搜逐腎

家久伏之邪取其苦燥濕寒除熱借酒引之上涌



吐中便具發散之義 若五六月後熱交營分
外壯熱卽加生地以清血脈之邪黃芩以泄
之熱較之初發淺深不同又非一味苦參
治也
疑雪湯 治時行毒病七八日熱積聚胸中煩亂
欲死起死人搗湯方

芫花一升以水三升煮取一升半漬故布薄胸
上不過三薄熱卽除當溫暖四肢護厥逆也

術義

芫花消痰飲水腫之專藥本經治咳逆上氣喉鳴

咽腫千金取治時行毒病用水煎漬布取以攻發

濕熱之毒也

栝蒌湯

治傷寒中風五六日已上但胸中煩乾

嘔方

栝蒌實

一枚

黃芩

甘艸

各三兩

生薑

四兩

大棗

十二枚

柴胡

八兩

右六味咬咀以水一斗二升煮取五升絞去滓適

寒溫服一升日二

^初義

於小柴胡方中除去半夏人參加入栝蒌治少陽

乾嘔煩渴

蘆根飲子

治傷寒後嘔噦反胃及乾嘔不下食

方



生薑 三兩

生蘆根 切

青竹茹 各一升

粳米 三合

右四味以水七升先煮千里鞋底一隻取五升

清下藥煮取二升半隨便飲不瘥重作取瘥

治傷寒後嘔噦方

通艸 三兩

生蘆根 切一升

橘皮 一兩

粳米 三合

右四味咬咀以水五升煮取一升隨便稍飲不瘥

更作取瘥止

衍義

金匱治胃熱噦逆乾嘔無如橘皮竹茹生薑等味



千金乃於橘皮竹茹湯中採取竹茹生薑清理胃
中痰逆配入蘆根滌除胃熱粳米以安胃氣也
次方但採橘皮順氣滌痰參入通艸上通陽明通
氣使之下通仍賴蘆根粳米滌熱安中之力
治傷寒後虛羸少氣嘔吐方

石膏

麥冬

半夏

各一升

竹葉

一把

人參

一兩

右五味咬咀以水一斗煮取六升去滓內粳米一
升米熟湯成飲一升日三服 一方加生薑五兩

此方是仲景竹葉
門中已有但少甘艸分兩不別
方前卷汗後



義衍

即前竹葉湯去甘艸衍義見前

治熱毒攻手足赤腫焮熱疼腫痛欲脫方

煮馬尿與羊屎汁漬之日三度

又方

濃煮虎杖根適寒温以漬手足令至踝上一尺

止

又方

稻穰灰汁漬之

又方

取好酒煮苦參漬之



又方

猪膏和羊屎塗之亦佳

又方

取常思艸絞取汁漬之

一名蒼耳可

衍義

手足赤腫熱攻四末故以四足獸屎汁漬之散邪

毒和血脈也

虎杖性善通利煮汁漬手足亦取

破血利水之功

稻穰灰汁專於滌垢亦能散血

酒煮苦參服之專祛濕毒漬之亦能解熱

猪

膏和羊屎塗熱腫痛處即前馬羊屎汁漬之變法

蒼耳治四肢拘攣脚膝疼痛以其能去風濕毒



邪也

漏蘆連翹湯

治時行熱毒變作赤色癰疽丹疹

熱毒赤腫赤痛生障翳方

漏蘆

連翹

黃芩

麻黃

白朮

升麻

甘艸

各一兩

枳實

大黃

各三兩

右九味咬咀以水九升煮取三升分三服相去如

人行五里久更服熱盛者可加芫硝二兩

衍義

時行熱毒雖熾發於外而毒尚根於內故用麻黃

升麻開泄既發之毒枳實大黃攻逐未盡之邪麻



黃升麻得漏蘆連翹黃芩利竅解毒清熱之品則
無助虐熾腫之虞枳實大黃得白朮甘艸攝津
毒之味則有匡正辟邪之勛其配合之奧未許
執藥性者之妄行推測也

猪膽湯 治傷寒五六日斑出方

猪膽

苦酒

各三合

雞子 一枚

右三味合煎三沸強者盡服之羸者須煎六七沸
分爲二服汗出卽愈

衍義

發斑而用猪膽苦酒雞子必陽毒陷於陰分而見
咽痛之故若邪在陽分正當助其熾發必無酸收



千金方卷十
九
之理方中猪膽瀉肝火苦酒收陰氣雞子潤咽痛
服之使嘔鼓毒發於陽分汗出則愈乃長沙少陰
例中苦酒湯之變法以補長沙之未逮

治人及六畜時氣熱病豌豆瘡方

濃煮黍穰汁洗之一莖是穉穰卽不瘡瘡若黑
者搗蒜封之

又方

煮芸薑洗之

治熱病後豌豆瘡方

黃連三兩以水二升煮取八合頓服之



又方

真波斯青黛大如棗水服之瘥

又方

青木香二兩以水三升煮取一升頓服之愈

又方

小豆末雞子白和傅之

衍義

黍乃小米之粘者產於北方故其穰可除濕熱

豆瘡之毒滌是高梁與黍不類恐人誤用故以此

辨 若色黑為血滯取蒜搗封辛以散之也 芸

薑破血潤燥能治遊風豌豆瘡亦得療之 黃連



苦燥專治濕熱之毒 青黛清熱解毒溫熱陽毒

發斑咽痛咸可取用不特治熱病後豌豆瘡也

青木香入足少陰善降陰氣上逆并治癰腫痰結

氣凝諸痛 羊脂溫散濕熱毒氣摩傅以散皮肌

中血滯 赤小豆雞子白同散血解毒也

木香湯 治瘡煩疼者方

青木香 二兩 薰陸香 礬石

丁香 各一兩 麝香 半兩

右五味咬咀以水四升煮取一升半再服熱毒盛

者加犀角一兩無犀角以升麻代之病輕者去礬



石神驗

又方

芫硝和猪脂塗上勿動痂落無痕仍臥黃牛木
上良此病小便澁有血者內壞瘡皆黑屬不出
膿者死不治也

治內發瘡盛方

酢 四合

大猪膽 一具

右三味合煎三沸服一合日五服之良

治豌豆瘡初發覺欲作者方

煮大黃五兩服之愈



治時行病發瘡方

取好蜜遍身摩瘡上亦可以蜜煎升麻摩之并
數數食之

衍

青木香湯中乳香和血止痛礬石收濕除惡瘡熱

毒丁香解結氣麝香利諸竅用治煩疼專通鬱閉

熱毒也 芑硝和猪膽塗專解熱毒仍臥黃土取

收濕氣若便瀉有血是津血內竭黑靨是血氣外

槁必死何疑 苦酒猪膽即前猪膽湯少雞子

單用大黃與前單用黃連一意彼取燥濕此主滌

熱 蜜能解毒摩瘡潤燥取以止痛煎同升麻摩

